



Aitags Reporter.

1. Reporter z'sy isch kaibe glunge
Doch muesch ha e gueti Zunge,
het ein sich z'schuld lo eppis ko
e Blitz, e Drugg, do ha-n-en scho.
2. D'Bundesbahn het s'Magebrenne
will s'Auti so um d'Welt duet renne,
um bi de Lyt go Ydrugg z'schinde
Duet Neiigkaite si erfinde.
3. Basel isch armselig dra
Kino het's fascht kaini gha,
drum tuet me schnail, me het wirglic miesse
e paar so Käschte anegie-se.
4. Dr Wotschmer und dr Schlaueberger
Hän s'Bärefell verkauft em Gerber,
bevor ass sie dr Bär händ gha
d'Bank isch verkracht. Halleluja.
5. Der Nordpol isch kai Promenade
s'het dert kai Cigarettelade;
wo s'Hirni isch bi andre Lyt
isch bi däm Ma worschuldig nyt.
6. «Cherchez la femme» isch grossi Mode
im Rossi isch's s'Verhängnis worde,
e sonigi Verseglerei
isch gar kai Ruehm fir d'Polizei.
7. Die Fahne uf em Turm isch bleed
ganz bsunders will me si so gseht,
doch um z'verschwinde lo die Reehre
bruuchs meh als numme grossi Schneere.
8. Kissi, Deggeli, Unerheert!
Saffa, Bern. Doch hend si dert,
dr Rättsch im Stüegehuus vergässe
und wie me abrennt s'Mittagässe.
9. O Schnydsge was isch dir passiert
wär het di do derzue verfiehrt,
hättsch du dr Scheneberg lo go
s'hätt diner Kasse besser to.
10. Dr R'aag spielt Rosegavaljee
me tät em's jo nit ibel neh,
doch d'Rose die sin g'stohle gsi
d'Solitude isch halt nit sy.
11. Doch s'beschti, s'tuet am andre Morge
im Stadtgärtner fascht der Hals abworge;
kai Mensch dänggt, dass dä armi Ma
an däm Tag het s'Jubileum gha.
12. Im Büro stehn die schenschte Rose
Vor Fraide macht er fascht in d'Hose
doch bim bedange hehrt er gly
dass die vom R'aag sin g'stohle gsi.
13. Der Elefant het Finfitee,
er rennt dervo, herjemineh;
e so-ne Elefantevieh
isch schregglic fir die Ressli gsi.
14. I wisst no viel, doch will i heere,
(s'git andri mit no greessere Schneere)
und s'Amt im Schneerischef «Bolo»
vo der Nazitante iberlo.

M.